



TILLEGGSINNKALLING

Utval: Kommunestyret
Møtedato 02.12.2021
Møtetid: Kl. 08:30
Møtestad: Biblioteket på Bjørkheim

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

Knut Harald Frøland
ordfører

SAKLISTE

Saker til handsaming på møtet

Sak nr.	Arkivsak	Sakstittel	Merknad
128/2021	18/951	Handsaming av søknader om kompensasjonstilskot til lokale verksemdar i særleg utsette bransjar	
129/2021	21/432	Konstituering av rådmann	
130/2021	21/255	Krav om skadebot og orsaking	Ikkje offentleg



SAKSFRAMLEGG

Sakshandsamar: Jan Erik Boge	Arkivkode: FE-223
Arkivsaksnr: 18/951	Løpenr: 21/9642
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	02.12.2021	128/2021

Handsaming av søknader om kompensasjonstilskot til lokale verksemdar i særleg utsette bransjar

Rådmannen sitt framlegg til vedtak:

Kommunestyret gir rådmannen fullmakt til å handsama og ta stilling til søknader om kompensasjonstilskot frå midlane som Samnanger kommune har fått tildelt i fjerde tilskotsrunde 2021.

Rådmannen får òg fullmakt til å gjennomføra ein ekstra søknadsrunde om desse midlane før 31.12.2021, dersom han vurderer dette som nødvendig.

Dokument som er vedlagt:

Tildelingsbrev frå departementet for fjerde tilskotsrunde 2021
Tildelingskriterier fordeling av midlar fjerde tilskotsrunde 2021
Søknad frå Thor Egil Nilsen
Søknad frå Muir Cateringservice
Kopi av kunngjering i Samningen 04.11.2021

Kva saka gjeld:

Under koronapandemien har styresmaktene etablert fleire økonomiske støtteordningar for næringslivet. Ei av desse er «kommunal kompensasjonsordning for lokale virksomheter» (den nasjonalt notifikerte ordninga under Covid19-rammeverket). Styresmaktene har tildelt midlar til denne ordninga i fire omgangar i 2021. Samnanger kommune fekk tildelt 404 000 kroner i første runde og 205 000 kroner i andre runde. I tredje runde fekk Samnanger ikkje tildelt midlar.

Midlar for fjerde runde vart tildelt 11.10.2021. Samnanger fekk der tildelt 1 172 000 kroner til vidarefordeling til lokale verksemdar. Midlane i fjerde runde er fordelt til kommunar i fylke eller reiselivsregionar som normalt har hatt høg andel overnattingsbesøk frå gjestar utanfor EØS før 2020. Føremålet med tilskotet er ifølgje departementet sitt tildelingsbrev at det skal bidra til å oppretthalda arbeidsplassar og viktig kompetanse i verksemdar som er avhengige av turisme frå land utanfor EØS-området, og som derfor framleis er ramma av pandemien. Tilskot kan gjevast for å kompensera tapte inntekter eller auka kostnader knytt til koronapandemien.

Tildelinga av ein så høg sum som 1 172 000 kroner til Samnanger i fjerde runde, ser primært ut til å skuldast at det er høg andel av overnattingar frå gjestar utanfor EØS i den reiselivsregionen Samnanger tilhøyrer (region 46101 Bergensregionen). Tildelinga til den enkelte kommunen er avhengig av talet på tilsette innan overnatting, reisearrangørar og turbiltransport og delvis også i servering og drosjenæringa. For detaljert informasjon om kva som ligg til grunn for tildelinga til Samnanger i fjerde runde, sjå eige vedlegg med oversikt over tildelingskriterier.

Kommunen må tildela midlar frå fjerde runde til lokale verksemder seinast 31.12.2021. Midlar som ikkje er tildelt innan denne fristen, må kommunen betala tilbake til departementet.

For meir informasjon om tilskotsordninga, sjå regjeringa sine nettsider:

<https://www.regjeringen.no/no/tema/kommuner-og-regioner/regional--og-distriktpolitikk/aktuelt-na/kommunal-kompensasjonsordning-for-lokale-virksomheter/id2846130/>

Kommunen kunngjorde 04.11.2021 midlane for fjerde runde i Samningen og på kommunen sine nettsider, med søknadsfrist 18.11.2021. Kopi av kunngjeringsteksten følgjer vedlagt. Det kom inn to søknader:

Namn, organisasjonsnummer og selskapsform	Bransje / type verksemd	Søknadsbeløp
Thor Egil Nilsen 969 625 628 Enkelpersonføretak	Tilleggsnæring til gardsbruk: utleige av ferieleilegheit, utleige av båt m/motor og andre tenester knytt til gjestar	84 200
Muir Cateringservice 926 478 273 Enkelpersonføretak	Cateringvirksomhet	200 000

Vurderingar og konsekvensar:

I vurderinga av søknadene har administrasjonen rådført seg med leiar i Samnanger Næringsforum, Knut Bjørnås.

Vurdering av søknad frå Thor Egil Nilsen

Thor Egil Nilsen søkte også om tilskot i søknadsrunden i mai 2021, og fekk då eit tilskot på 20 000 kroner (sak KS- 049/2021).

Nilsen søker no om tilskot på 84 200 kroner. Oppgitte kostnader/tap i søknaden er tap av leigeinntekter for ferieleilegheit i mai, juni og juli 2021 (72 000 kroner) og tap av båtutleige i 2021 (12 800 kroner). Kommunen har ikkje fått tilsendt nærmare dokumentasjon på korleis summene er rekna ut, eller rekneskap for verksemda. Det er i kommunen sitt søknadsskjema ikkje stilt krav om skriftleg dokumentasjon av kostnader og tap, eller om at rekneskap skal leggjast ved søknaden.

Det går fram av departementet sitt tildelingsbrev frå fjerde tilskotsrunde i 2021 at hovudføremålet med midlane i denne runden er å bidra til å oppretthalda arbeidsplassar og viktig kompetanse i bedrifter som er avhengige av turisme frå land utanfor EØS-området. Thor Egil Nilsen si verksemd ser primært ut til å gjelda utleige til turistar frå Tyskland, som ligg i EØS-området. Ut frå dette er ikkje verksemda til Thor Egil Nilsen direkte i målgruppa for tilskotsordninga i fjerde runde. For verksemda hans vil det uansett vera irrelevant om tapte inntekter gjeld turisme frå EØS-området eller utanfor EØS-området.

Vurdering av søknad frå Muir Cateringservice

Muir Cateringservice har ikkje søkt om Covid19-tilskotsmidlar tidlegare.

Muir Cateringservice søker no om tilskot på 200 000 kroner. Oppgitte kostnader/tap i søknaden er omsetningssvikt (200 000 kroner), tap av produktlager (10 000 kroner) og ingen fornying av utstyr – snøballeffekt (25 000 kroner). Kommunen har ikkje fått tilsendt nærmare dokumentasjon på korleis summane er rekna ut, eller rekneskap for verksemda. Det er i kommunen sitt søknadsskjema ikkje stilt krav om skriftleg dokumentasjon av kostnader og tap, eller om at rekneskap skal leggjast ved søknaden.

Ifølgje Brønnøysundregistra vart Muir Cateringservice registrert som føretak 28.01.2021. Det finst som følgje av dette ikkje historiske data for føretaket, og det er vanskeleg å vita kva som ligg til grunn for summane som er oppgitt som tap i søknaden. Rådmannen si vurdering er også at denne søknaden ser ut til å falla utanfor det som tilskotsmidlane i fjerde tilskotsrunde er tenkt brukt til.

Andre vurderingar

Rådmannen har prøvd å få avklaring frå departementet på om det i denne runden berre kan gjevast tilskot til verksemder som er avhengige av turisme frå land utanfor EØS-området. Det har pr. d.d. ikkje lukkast å få slik avklaring. Så lenge dette ikkje er avklart, ønskjer rådmannen ikkje å gje tilråding om tildeling av midlar. Rådmannen tilrår slik situasjonjen er pr. d.d. at kommunestyret 02.12.2021 gir rådmannen fullmakt til å handsama og ta stilling til søknadene når han har fått avklaring frå departementet. Dersom spørsmålet vert avklart før kommunestyremøtet 02.12.2021, vil rådmannen eventuelt kunne ettersenda eit vedtaksframlegg om tildeling av midlar.

Slik det ser ut no, vil nesten heile summen som Samnanger har fått tildelt i fjerde tildelingsrunde i 2021 måtte tilbakebetalast til departementet. Det kan eventuelt vera eit alternativ å gjennomføra ein ny søknadsrunde i Samnanger før 31.12.2021, og der aktivt oppmoda verksemder om å søkja. I så fall bør rådmannen få fullmakt av kommunestyret til å ta avgjerd om tildeling av tilskot i ein slik «ekstrarunde».



SAKSFRAMLEGG

Sakshandsamar: Knut Harald Frøland	Arkivkode: FE-411
Arkivsaksnr: 21/432	Løpenr: 21/9569
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	02.12.2021	129/2021

Konstituering av rådmann

Ordføreren sitt framlegg til vedtak:

Pål Strand vert konstituert som rådmann i Samnanger kommune med verknad frå 01.01.2022 og fram til ny fast rådmann startar i stillinga. Pål Strand får i konstitueringsperioden permisjon frå den faste stillinga si som rådgjevar.

Pål Strand får same årslønn som den tidlegare faste rådmannen hadde før ho slutta i stillinga i september 2021, 1 060 000 kroner inkl. tillegg.

Konstituert rådmann utpeikar sjølv kven som skal vera stadfortredaren hans i konstitueringsperioden.

Dokument som ikkje er vedlagt:

- Kommunelova
(<https://lovdata.no/dokument/NL/lov/2018-06-22-83>)

Kva saka gjeld:

Kommunestyret vedtok 01.10.2021 (KS-sak 087/2021) å konstituera Jan Erik Boge som rådmann fram til ny fast rådmann startar i stillinga.

Jan Erik Boge har 24.11.2021 sagt opp stillinga som konstituert rådmann, med verknad frå 01.01.2022.

Ny fast rådmann startar ikkje i stillinga før 15.02.2022. Det er derfor behov for å konstituera ein annan person som rådmann i perioden 01.01.2022 - 14.02.2022.

Det går fram av kommunelova § 13-1 at det er kommunestyret sjølv som skal tilsetja rådmann (kommunedirektør). Konstituering (mellombels tilsetjing) av rådmann i perioden 01.01.2022 - 14.02.2022 må som følgje av dette gjerast av kommunestyret.

Ordføreren har 24.11.2021 vore i kontakt med rådgjevar/jurist Pål Strand ved rådmannskontoret, og fått avklart at han vil vera villig til å ta på seg å vera konstituert rådmann i perioden 01.01.2022 – 14.02.2022. Pål Strand var også søkjar på den faste rådmannsstillinga. Ordføreren tilrår at kommunestyret konstituerer Pål Strand som rådmann i denne perioden.

Sak 130/2021 - Krav om skadebot og orsaking

Unnateke offentlegheit jf. Offentleglova § 13